


通雅




漢書門				
二	五	五	三	九
四	三	六	二	九
冊	架	函	號	類

內閣文庫				
三〇七	五	漢		
函	三	書		
一三	二	九		
架	四	號	類	

內閣文庫		
番號	漢	5329
冊數	24	(22)
函號	307	169

四十六四十七





通雅卷之四十六

桐山方以智密之輯著

同里姚文燮經三較訂

動物獸

淺草文庫



麒麟通作麒麟。殆天鹿乎。○公羊傳曰。有麇而角者。孔子曰。孰為來哉。京房曰。狼額。馬蹄。五彩。陸璣曰。麇身。牛尾。馬足。黃色。圓蹄。一角。角端有肉。皆相傳說耳。拂林僧言。天鹿即麟。湧幢小品曰。麟之青曰騏。孤赤曰炎駒。白曰素冥。黑曰角端。黃曰麒麟。雄鳴曰遊聖。雌鳴曰歸昌。皆附會也。演繁露言。唐以麒麟名廐。因改麒麟。騏馬色也。馬出冀州多良。故作騏。世用麒麟閣者多矣。

通雅

卷之四十六 獸

季山北藏軒



通雅
智按穀梁傳已作麟。說文麒麟仁獸也。麟大牝鹿也。石經通作
麟。而經傳別無以麟爲大牝鹿者。爾雅有麇。麇爲縵文。漢成帝
獲麟。實鹿之異者。相如賦曰。射麋脚麟。此麟并州界有之。大小
如鹿。羅願指此爲麟。皆本說文集韵。齟齬訛。郭璞曰。麒麟似麟而
無角。元美譏陶九成是也。霧縠曰。特感龍生麟。篆家分蕩。音其
蕩爲鹿。

象牙爲白暗。犀角爲黑暗。言斑犀者。謂正透倒透。腰鼓插也。○
漢平帝時黃支貢犀。有夜明犀。或山海經之白犀也。開元遺事。
交趾貢辟寒犀如金。六帖。唐文宗有辟暑犀。嶺表錄異有辟塵
犀。杜楊編有蠲忿犀。與所云分水犀。見形犀。皆難得之寶。滙水

彙談曰。犀生邕管交趾者。名紋如麻。生大食者。文如茱萸。異者
曰通天。如宋之蠻子牽獅帶。乃犀玩物形于角者。有正插。倒插。
有腰鼓插。犀亦歲退角。培十如象。西域謂犀爲塌伽。角爲毗沙
拏。言一角也。東璧曰。凡三種山犀。水犀。有鼻額二角。兕犀止有
一角。在頂。洪武中九真貢獨角犀。牯角文大。牯角文細。郭璞三
角。訛傳也。智按所謂鼻角曰食角。卽鼻骨也。通天者純白。而中
有一線黑也。水犀角中。一線光明。是真駭雞犀也。今之栗髮全
黃者多矣。豈有奇乎。墨客揮犀曰。波斯以象牙爲白暗。犀角爲
黑暗。故杜詩曰。黑暗通蠻貨。陸務觀曰。靖康括金。群臣金帶。以
犀易之。執政則正透。從官則倒透。建炎草創。猶用此制。唐會要

章服。太和六年。一品二品服犀玉。及斑犀。斑謂黑黃相間也。演
 繁露曰。黑質中。或黃或白曰正透。外暈皆黃而中涵黑曰倒透。
 智以犀貴白。而久則黃。白透為正。黑中透白為倒。花中花曰重
 透。暹羅為上。髮紋粟而有高骨。其紋細無高骨曰大角。舶來毛
 角難辯。故稱黑暗。元史浩兩鈔摘腴曰。今骨掘犀。乃蛇角也。蓋
 名蠱毒犀。凡犀特曰沙犀。羅願以兕即特。亦臆。蓋三種犀。各有
 牯特也。爾雅所云兕似牛。犀似豕者。近是。古人通言兕。今人通
 言犀耳。呂覽隨兕。注小牛也。則牛亦稱兕矣。犀亦从牛。湛若曰
 說文無獅。有𧑦。余謂𧑦即獅。象皆象形。皆聲轉也。象大者六
 牙。柯古曰。象管環王國。一牡象管牝三十。國以代樵。今雲南亦

取之。緬甸諸處。其牙有交互髮紋。以血牙為上。微帶紅色。壺涿
 氏以棒貫象齒。制水怪。陶貞白言。夏月合藥。須置象牙于傍。合
 四竈。以象牙夾竈。得雷聲能發光。象膽隨時。而孟奇言。象房象
 死。膽在腹中。或曰四時之首易地。而後皆在腹。

乳虎最猛。小虎曰彪。因虎文而名也。豹因彪聲。山海之豹即豹。
 ○古文作。又作。象形。今說文用虎文也。𧑦。古文虎。𧑦。音委
 𧑦。虎有角者也。𧑦變从虎。非從巾。几。俱象尾耳。𧑦。即彪。从彡。音
 因。虎文而名小虎。斐。旻射彪是也。左傳於菟。漢書作烏菟。今作
 鷓鴣。贅矣。或曰狸兒。轉為李耳。彭乘曰。虎食一人。耳成一缺。汀
 州得一虎。兩耳如鋸。豈此名乎。李父伯都。見方言。淮南曰。烏雄

鷲獸牝猛。故羆為熊之牝。狼為獾之牝。虎牝曰乳虎。於菟者乳頭之轉音也。南詔謂虎為波羅。蠻人呼虎為羅羅。張耒言存中聞關中人曰。此中有程。遂以為莊子程生馬之程。不知秦聲謂蟲為程。謂虎為大蟲也。劉貢父亦言關中呼蟲為塵。而舊說以程是豹。說文豹勺聲。狼貪豹廉。程度取食。故從勺。則叟鑿矣。豹亦虎所生。當是彪聲轉豹。而大豹字。从勺以諧勺包也。爾雅虎有彪。彪貓。而豹止有貌。白豹。即白毛而黑文者也。黑多曰玄豹。近蒼曰赤豹。其無文者曰土豹。陶谷子妻曰。南山玄豹。霧雨七日。欲澤其衣毛。即洞冥記所云青豹也。即豹也。詩名義疏。謂獾齒可假佛牙。佛骨以鐵推之。鐵皆碎落。成夷志言。魏王頭顱骨

大如斗。嘉定州凌雲寺有佛牙。皆獾齒也。蘇頌曰。唐画獾為屏。白樂天有詩贊之。郭璞曰。獾食銅鐵。糞可為兵。王會屠州黑豹。補注曰。屠各山有白豹黑文。今出建寧郡。毛黑白臆。似熊而小。舐鐵頓進數十斤。此殆成式所云。伽毘葉獻之天鐵熊乎。天鐵謂吃鐵也。彼指騶吾。白虎黑文。令升曰。虎五指者皆是羆。山海經豹尾。郭注豹之樂友。智按即豹尾。又沅陽山多犀兕。虎豹作豺。又豺亦作豺。證知豹即豹。蔡苴機兩頭鹿也。○屎王虵毒。蔡苴機兩頭麋也。出永昌郡。博協志。蔡余義獸似鹿。兩頭。其胎中屎。四時取之。蔡余義。即蔡苴機也。范曄後漢書云。雲陽縣有神鹿兩頭。能食毒草。即蔡余義。

月令廣義引博物志云。雲南郡出茶首。是兩頭鹿。胎可治蛇虺毒。以四月取之。茶首音蔡茂。按卽蔡苴機。余與茶。苴與首。茂與義相洽而訛。王會曰。區陽以鼈封。前後有首。盛弘之記。荊州武陵郡陽山。有獸如鹿。前後有頭。元瑞曰。卽山海經之并封。在巫咸東。又大荒山名鑿鑿。鉅有獸左右有首。曰屏蓬。郭注曰。卽并封。升菴元美皆載茶首。皆不知蔡苴之訛。李時珍曰。當作首機。晉常璩南中志曰。雲南郡。蜀建興三年。置有熊倉山神鹿。一身兩頭。食毒草。段柯古曰。邪希。兩頭鹿也。夷謂鹿爲邪。矢爲希。熊羆。一類也。○黑者熊。大而黃白者羆。黃赤者羆。爾雅。熊虎。羆。白狐。玃曰似熊。遼謂白羆。爾雅。翼曰有猪熊。馬熊。人熊。按

馬熊卽羆。或作貍。人熊卽羆。蜀有獸如熊。曰猛氏。子虛賦。鎡猛氏。蓋羆也。天問。魃堆。或作魃。魃。其以爲山海經之魃。非也。魃。雀。北號。山白首鼠足之鳥也。祖冲之述異記曰。東土呼熊爲子路。古以熊配虎爲旗。又執畢者冠熊。謂之旄頭。乘輿之出。則前旄頭。而後豹尾。以熊出而不迷。豹徃而能返也。關西呼豹羆。羆。吾撲臙。

能卽熊。又爲三足鼈之名。○史正義。縣之羽山。化爲黃熊。入羽淵。熊乃來切。下三點爲三足也。束皙發蒙記。鼈三足曰熊。韻會曰。熊卽左傳黃能入寢之能。不知張守節何據有三點之說也。按說文。鼈本獸名。山海經。從山多三足鼈。大苦山多三足鼈。陽

羨君山池有三足鼈爾雅鼈三足曰能音乃來切東哲牽附耳釋文曰獸非入水物故是鼈一曰神獸入水東海人祭禹廟不用熊白及鼈豈鯀化為二物乎智謂祭禹者因所聞而然豈足據邪張叔皮論曰賓爵下革田鼠上騰牛哀虎變鯀化為熊人血為燐積灰生蠅則熊皆以能叶韵然左傳葬敬嬴穀梁作傾熊古熊亦在庚韻如天官三能即三台楚詞以能叶佩大約古人方音隨讀而借也因羽出言羽淵總為地名如雞澤孟津之類何必以入水為疑邪贊寧引山經鞮或作離即能任昉述異記云江淮中有獸名能音耐蛇精化也冬為雉春復為蛇曾耳騶吾○瑞應圖云曾耳似虎絕大不食生物見虎豹即殺

之太平則至景純曰即騶虞也白虎黑文尾長于身山海經林氏國騶吾日行千里注六韜云闕天之徒得此獻紂乃釋文王大傳言散互于陵氏取怪獸聞尾名曰虞注間大也淮南言散互得騶吾鷄斯之乘吾即虞曼倩識騶牙吾與牙通鼠璞考詩之騶虞為官名此亦一說不妨自有騶虞獸也陳無功曰王會史林以尊耳元美亦作尊耳今考王會作史林以曾耳無作尊者王道俊曰騶虞又謂之素毳顏延季曲水亭顏莖素毳杜柯其穗之瑞注素毳白虎也白虎黑文曰騶虞漢書相如傳股股之獸史作般般言其文薛道衡曰麋也智謂指騶虞曲水序顏莖素毳則白疊艸也升菴引山海經騶吾乃省筆之訛

癸唐已黃腰。○蜀志有黃腰。鼪身狸首。長則食母。能食虎牛。孫
以爲穀似豹。而小腰以上黃。函史曰癸。食母猴。獨食猿者也。
癸卽穀也。一曰鼪亦食母。酉陽雜俎黃腰一名唐已。按癸乃癸
之訛。

猩猩武作符狴。狴狴或作費費。萬萬。一曰顛。喙陽。梟羊。山都吐
嚙上。○吳都賦猩猩啼而就擒。萬萬啖而就格。山海經汜林
狴狴。于水經注皆同。說文成王時州虞獻。北人謂上嚙。或
謂狴狴。馬書作費費。北人謂之吐嚙。海內經謂之顛。俗名山都。
南康以此名水。卽今贛州。智按山海經載梟陽。而別載上嚙。或
隨地異名也。漢書注作梟陽。張衡作梟羊。王文考夢賦批。樂毅

音費。蓋指狴。今異名。疏。分山都與萬作二條。豈未考邪。梅氏曰
本作鬲亦舛。


一角曰天祿。二角曰辟邪。○漢書西域傳。烏弋有桃拔。孟康曰
一名符拔。似鹿長尾。一角爲天鹿。兩角爲辟邪。似虎正黃有髯
。彫尾端茸毛大如斗。章帝時月氏獻之。和帝時安息獻之。存中
曰至和中交趾獻麟。如牛一角。而考之不合麟。余以爲天祿。後
漢中不鑄天祿蝦蟆。注云天祿獸名。今鄧州南陽縣宗資碑。旁
兩獸鑄其膊。一曰天祿。一曰辟邪。元豐中余過鄧。聞此石獸尚
在。使人墨之。其獸有角鬣。鱗如手掌。與交趾所獻相類。升菴以
天祿爲蝦蟆。未見筆談邪。沈約宋書。天鹿卽天祿。拂菻僧言天

鹿一角端有肉。卽麟。大者爲白色角端。有似鹿似牛之別。智按南齊書芮芮傳。獻師子皮。時有賈胡在蜀。曰此非師子皮。乃扶拔也。卽符拔。星槎勝略作或撥。

朴握。言樸朔也。漢呼兔爲浚鼻。○說楛云兔名朴握。見古文苑。一作朴朔。東坡詩。寒牕煖足來朴握。古樂府木蘭篇。雄兔脚撲朔。雌兔眼迷離。大傳鷹爲辟雞。兔爲宛脾。皆聶而切之。古云兔吐子。望月而孕。前輩曰不驗。韋絢云巴州兔作狸斑。乾鑿度注。浚鼻。兔也。郝氏曰浚鼻。浚與闕通。豈以闕唇而遂曰闕鼻乎。狨。狨也。沐猴。獼猴。母猴也。○漢西域注沐猴。卽獼猴也。轉注略音沐爲獼。智按獼猴卽母猴也。母音轉爲馬。又轉爲獼。方言呼

母曰嬰。此其證也。獸以雌強。今獼猴亦謂大者。猶凡物之大者。曰馬藍馬薊之類。狨。奴刀卽狨也。一名狨。其毛茸而長。金色異采。世以爲羈褥。謂之金線狨。今香山喚有來買者。其毛柔長。可藉。制字從柔。以此。

麀鼠卽跳兔。○王會獨鹿。卽距虛。注謂卽負虛。爾雅注謂卽。卽距虛。負麀。呂說言卽。卽距虛。鼠後兔前。故須麀會以甘草。小顏曰。今雁門有相負之兔。曰麀鼠。沈括使遼。見跳兔。前足寸許。一躍蹶地。此卽蹶也。緯畧曰。狼狽是二物。狽前足絕短。每行常駕兩狼。失狼則不能動。張揖曰。距虛似羸而小。豈狽邪。狄。雌果然。一物也。○狄。羊就切。楚辭常用。緩狄。顧野王曰。黑狽。



也。倉頡篇曰：似狸。顏師古曰：似猴，仰鼻長尾。據籀說，即所謂猶也。崔浩曰：猶，仰鼻長尾，性多疑。一曰似麀，居山中，聞人聲，豫登木，無人乃下。世謂不沒曰猶豫，此也。段柯古曰：狐性好疑，鼬性好豫，以鼬通猶耳。智考此即雌。誅柚二音矣。鄧潛谷曰：狄也。黃黑色。羅願曰：雌，一名果然，人捕其一，則群啼相赴，以其來之可必也。大者為禺，小者為狄，猶與雌，爾雅兩載之。或更有同名者與。獬豸一作獬廌，獬廌，鯀。○大玄作鯀，廣雅作角豸，神羊也。何古曰：開元二十一年，富平縣產一角神羊，肉角當頂，白毛，譏者以為獬廌。

香髦文狸，即類也。○本草有靈貓，自為牝牡，其陰如麝，異物志


燕云云，段成式言香狸有四外腎，大理香貓如狸，文如豹，即楚辭文狸。王逸注為神狸者也。南山經皆言宜笈之山有獸曰類，自為牝牡，莊列取之。東璧合為一物，是也。升菴言雲南蒙化府有此獸，曰香髦，今之野猫即狸，則此可知矣。瑤星言兩類，曰臂類，曰奇類，即羅願所載者也。智按臂即臂字，十八宿真形圖，心房二宿皆具兩體，天下何事不有，而誕者附會腐儒不信，俱可一咲。

蒙頌，活禱地捕鼠者也。○蒙頌，又雌之小者，紫黑色，能捕鼠，或作蒙賁，蒙賁，廣志曰：獾，有黑白黃者，暹羅最良，捕鼠百捷，于家貓，貓一名銜蟬，見拾遺記。韻府貓，一名烏員，唐書波斯伊嗣

侯遣使獻活齧地。形類鼠。青色。長八九寸。能入鼠穴取鼠。物類志曰齧地。溫公之義貓曰鼪。或溫公名之也。

社君鼠也。白者曰仲能。黃者曰沙鼠。曰鼪。○枹朴子鼠百歲。則色白。曰仲能。善憑人而卜。雲仙雜志。山中謂社君。嗣宗曰。又有粟鼠。其毫可製筆。沙鼠。今之黃鼠也。陳無功引詩語。刀約使契丹詩。密賜一貌狸。如鼠而大。北敵以為珍。又曰。令邦東壁。謂即黃鼠。甚確。陳水南亦以為黃鼠。而澠水言肥膾。今訛為豚。故人以為疑耳。岑南獠人食密啣。即嫩鼠也。東坡詩曰。朝盤見密啣。夜枕聞鵲鷗。方言宛野。謂鼠為鵲。音宛。南陽也。鼪。音鼪。鼪為飛生。鼪鼠為拱鼠。非一物也。○說文誤以為鼪鼠。五技

而窮。故張揖廣雅。崔豹古今注。遂曰。螻蛄一名碩鼠。邢昺亦謂蔡邕合之。而後人遂以鼪鼪為一物。智按爾雅。鼪鼠為鼠屬。於鳥篇。又曰。鼪鼠夷由。則非一物。明矣。陸璣于相鼠疏曰。河東大鼠能人大。交前兩足于頸。或曰。即雀鼠。或曰。貌狸。即今黃鼠。稱珍味者。時珍又分碩鼠為鼪鼠。蜀人所呼鼪肉。翅蝙蝠。翅尾頂。脅毛。紫赤色。背上蒼艾色。腹下黃。喙頰雜白。腳短長尾。三尺許。飛且乳。亦曰飛生鼠。聲如人呼。食火烟。此其蝙蝠之大者乎。飛生鼠一名鼪。所謂能飛不能過屋。能緣不能窮木。能游不能渡谷。能穴不能掩身。能走不能先人。五技而窮者。一曰夷由。謂其能以高赴下。不能從下上高。故夷由也。今人以徘徊未沒為夷



猶馮嗣宗亦誤以五技鼠為鼯。


鼯鼠郎也。○大平御覽有鼠郎。邢昺以鼯為鼠狼。凡夫曰夏。小正有鼯鼠。即鼠郎也。今日狼貓。江北曰黃鼠狼。按玉篇鼯鼠頭似兔。尾有毛。黃黑色。此狀即狼貓也。朱子注鼯鼠。但以大訓之。蜀圖經所云虎鼠。即鼯鼠。則刺猬也。猬一作彙。一名蝟鼠。談藪言虎居艸者。畏木上有趨鼠也。趨鼯一聲。鼯省為鼯。音豹。道昭音灼。非。此爾雅之豹文鼯也。

妾。比肩之類。○異物志南方有飛頭蠻。夜以耳為翼。飛去食物。將曉而還。搜神記。吳將軍朱桓一婢。頭能夜飛。韓詩外傳。婁。婁而更視。不相得。不能飽。其爾雅之比肩民乎。山海經云三首

國。一身三首。在崑侖東。周致中異物志。載三身國在鑿齒國東。一臂國在西海之北。半體比肩。又有一目國在北海外。天中記引外國圖。言男女同頸異頭。共身四足。曰蒙雙民。乾坤怪未了也。太西言無海錄。襍事曰。嶺南有一足反踵者。雄曰山丈。雌曰山姑。夜扣人門。此自一獸。

又有似人者曰前兒。曰在子。○前兒似猴。聲似小兒。在子鼯身人首。炙之以藿。則鳴。曰在子。鬱林博白山中。有似鼯而首有毛。能殺人。或即此物乎。聞之甯孝廉之客。

白與即白澤獸。○見石鼓詩。用修受學于李文正公者。言與為澤。軒轅紀帝登桓山于海濱。得白澤神獸能言。因問天下鬼神。



之事。令寫為圖。作祝邪之文以祝之。元世祖遇角觶。楚材云是白澤能言者。人語而彼應之。似解言者。因以為識。軒轅記。溢言耳。集韻澤或作臭。乃臭字之譌。郭璞云角觶似豬。角在鼻上。李陵以角端弓。十遺蘇或。唐詩海照角端弓是也。

獬即獬。或曰犒。○獬。音獬。獬類也。又作獬。淮南子曰。畜池魚者。必去獬獬。莊子曰。後。獬獬以為雌。言非類為牝也。獬獬。獬獬之為也。獬獬一物。鄧潛谷曰。一種曰獬獬。大頭如馬。身如蝙蝠。升菴言犒。犒以猿為雌。即獬獬也。范成大虞衡志。有山獬。一名獬。性淫。聞牝不得。則次木石而入。

紅馬。齒茸。鹿茸之上者也。鹿陽麋陰。分男女用之。泥矣。○骨之

速長而堅。無如鹿麋。不過兩月。重二十斤。如茄子茸。長數寸。有力。破之。肌如朽木。茸端如馬鬃。紅上者佳。存中曰。北方有麋麋。麋。麋極大。而色蒼。鹿黃而無斑。茸俱可用。時珍從東坡鹿補陽。麋補陰之說。王勉夫。以麋茸補陽。利男子。鹿茸補陰。利婦人。蓋月令仲夏鹿角解。仲冬麋角解。鹿肉煖。麋肉寒。以陽為體者。以陰為末。末者角也。元美弱侯。主此說。智按。所謂補陽補陰。非必分男女也。男子自有陰陽。大約麋鹿皆補血。麋角取其滋陽耳。熱則俱熱。用鹿角者。同類相益也。相體稟用之。有飲鹿血。鼻出血者。

鬣屯。鬣。鬣牛狀也。水牛亦名州鬣。○淮南子鬣屯。鬣。音坤。

豚科。滂言其狀醜也。州雷老牛名。古人駕牛皆有名號。如王濟賭八百呈駿。荀晞千里牛。西豐駱。樂山鳥之類。州竅也。爾雅馬白州驥。州雷者。色如驪也。鬱林異物志。州雷水牛。而角若擔茅。與虎爲仇。柯古言。句漏潛牛。卽州雷也。廣志言。州雷頂上肉。大如斗。金樓子。西符有牛曰白及。伯樂相馬。亦言白州。升菴言。山海經。侖山之熊。其川在尾上。郭注。川竅也。然則州當是川字。攬求子牛也。○廣雅作攬求子牛。集韻作攬。一曰騰獲也。月令。累牛騰馬。累與攬通。今注乃云。累係之牛。騰躍之馬。使遊牝于牧。則未見攬字也。

騃特牯 ○本草喜犍牛肉。急就章。騃特特牯。二歲牛也。一

曰長脊牛。慘音蘇。含反。牯音貝。牯音界。特。舜典用特。一牛也。說文。牯。特牛也。世說云。千斤牯。特牯。劇牛也。以刀去牛勢。亦作犍。莊子曰。任公子五十牯。以爲餌。郭音卦。徐音界。說文云。騃牛也。牯音貝。字應從牯。相牛經曰。璧堂欲闊。蘭株欲大。陽鹽欲得廣。陽鹽。夾尾前兩膝上也。璧堂。腳股間也。羅願列名甚多。如雜毛曰。攏犛之類。小者每牛。呂覽隨兕也。

毛犀卽羆牛。○爾雅言。摩牛。山海經之牝牛也。西人呼爲竹牛。羆。或作犛。厘音。升菴曰。毛犀。卽豕也。古人謂之貓豬。交廣謂之豬神。或曰。旄牛。小而犛牛。大一種也。尾毛可爲飾。顏師古曰。旄牛卽犛。偏音。葉盛水。東日記云。毛牛與封牛合。則生犛牛。

牝封駝也。○大月氏有封駝。背上有肉峯。呼為犂牛。相如傳言牝牦。牝即犂牛也。駱駝本有肉鞍。或其類更有高者。爾雅謂之犂牛。穆天子傳謂之物牛。南史滑國有兩腳駝。蓋有怪駝。時而人大耳。

八駿之名各異。驪或作藹。藹或作儀。灤。儀。俄。俄。驥。或作藹。藹。○玉海引穆天子傳。癸酉命駕八駿之乘。右服藹。驪而左。綠耳。右驂赤龍。而左。白儀。造父為御。商商為右。次車之乘。右服渠黃。而左。踰輪。右驂盜驪。而左。山子。參伯為御。奔戎為右。筆叢引驪作藹。驥作藹。白義作白儀。列子曰。右服藹。口而左。綠耳。右驂赤驥。而左。白灤。造父為御。商商為右。次車右渠黃。而左。踰

輪。左驂盜驪。而右。山子。柏天主車。參百為右。博物志載八駿為赤驥。飛黃。白蟻。驪。驪。耳。駟。駟。渠黃。盜驪。王子季八駿曰絕地。翻羽。奔霄。超影。踰輝。飛光。騰霧。挾翼。趙與昔引八駿與博物志同。惟駟駟作踰輪。何其參差也。灤古義字。升菴曰古驪字。商商。土伯厚音秦丙。當是秦丙。誕生音齊合。屠赤水作睿商。范攄雲淡友議。載乃宥睿商。無功曰。列子本傳。赤驥作藹。灤作儀。藹今字彙作藹。本升菴也。蓋即古驪字。韻會引列子作藹。應是訛耳。山子一作岫子。升菴云。今之叱撥。玉抱肚也。張睿甫曰。藹字下似缺驪字。升菴遂以服藹為驪。藹誤字。劉氏音義曰。盜驪。竊驪也。一作溫驪。荀子作纖離。竊。淺青色。驪。純黑色。爾雅疏謂竊即

古淺字。竊脂竊玄竊黃之類。皆指色也。織亦借淺音。竊脂別有說。

今之戴星馬。卽古所云白顛的。顛卓上也。○觀禮曰。奉束帛匹馬。卓上九馬隨之。一曰的盧。蜀志昭烈乘的盧渡檀溪。相馬經。白額入口者榆雁。曰的盧。準上有旋毛。曰的吻。皆不宜乘。潛谷以莊子月題卽的盧。智按莊子齊之以月題。而後知介倪闔阮。似是轡當固之飾。潛谷誤矣。清波雜志曰。碧雲馱。廐馬旋毛也。碧如霞如雲。然貴而不掩旋毛之醜。魏泰駕言梅聖俞。借此名書。

馬名各異。○追風。白兔。躡影。追電。飛翾。銅爵。晨鳧。始皇七馬也。

浮雲。赤電。絕羣。逸驃。紫葵驪。綠螭。龍子。驎駒。絕塵。漢文九馬也。

也。見西京雜記。齧膝。乘旦。見王褒頌。綠虵。見顏延之。牝靡。趙津女媚對簡

靡。駁龍。紫鹿。文的。躡奕。見陳琳。啓服。左傳衛侯。肅爽。唐成公如

爽。蒲梢。漢或大宛天馬。沒波。駿。西陽雜俎。骨。皎雲。駿。飛霞。標。翔麟。紫奔

虹。唐太宗。拳毛。馱。什代。赤。白蹄。烏。特特。勳。驃。颯。路。紫。青。騅。殷仲容贊

太宗。七馬。玉花。驄。照夜。白。杜甫詩。九花。虬。翠。雲。虬。唐代宗後以九黃芝

李白馬名。見。叱。撥。天寶中大。一丈。烏。梁太祖愛馬。玉。逍。遙。宋仁

採蘭雜記。馬名。見。邵。荏。鐵。馬經。鐵。獺。梅聖俞。飛。越。峯。滇史洪武四季貴

氏。聞。見。錄。之。別。名。鐵。獺。之。馬。名。飛。越。峯。州。夷。翠。靄。進。水。西

乘。瑞。穎。正統四季。撒。馬。兒。玉。麟。飛。白。玉。馴。碧。玉。橋。照。夜。璧。銀。河

練。瑤。池。駿。飛。雲。白。嘉靖十二季。召。張。孚。敬。等。演。馬。因。紀。其。名。名。在。人。取。不。可。勝。紀。

隴啣閭渠。狀馬子也。○晉惠時謠。城東馬子莫隴啣。比至來季。纏汝髮。永元童謠。野猪雖嗥嗥。馬子空閭渠。

馬懷孕曰重馬。○劉屈氂傳。重馬傷耗。師古曰重。謂馬懷孕者也。

駮茲白。○王會曰。義渠以茲白。白馬鋸牙。食虎豹。即山海經之駮。齊桓乘駮馬。管仲言及是已。

飛黃。皆黃。翠黃。乘黃。吉量。古皇。吉光。吉黃。一物。○白民乘黃。犬戎吉皇。似騏。有兩角。漢郊祀歌。有皆黃。注一名乘黃。黃帝乘之。

而仙。封禪書。翠黃。孟康曰。翠黃。乘黃也。又名紫黃。淮南子曰。飛黃服皂。注乘飛黃。壽三千歲。吉量者。山海經。犬戎文馬。日若黃。

金曰吉量。乘之壽千歲。注六韜。以此為雞斯之乘。大傳作吉光。一作古皇。

騶馱。驢之子也。似驢之奇獸。曰閭。曰福。曰福。曰福。○伯厚曰。馱。唐反。能馱負也。古今注曰。驢牝馬牡則生騶。霍去病傳。單于乘六。

羸。漢書西域傳。龜茲王學漢儀制。湖人曰驢非驢。馬非馬。龜茲王。所謂羸也。南史言王子敬書如騎驛。駮駮欲度驛。驛。明皇乘。

騾入蜀。見坡詩注。馱本作佗。趙充國傳。一馬自佗。子元引釋常。談稱驢為衛子。崔豹曰。驢牡馬牝則生騶。韓道昭收驢騾。騾屬。

騾即騶。東璧曰。牡馬交驢生馱。馱。牡驢交牛生馱。馱。音叱。陌。牡。

牛交驢生騶蒙。牡牛交馬生馱。馱。牡驢交馬生騾。漢昏禮。有受。十六。浮山。比歲干。

福祿獸。具體心慈。其形未聞。一統志。忽魯謨斯國產福祿。似驢而花文可愛。儀禮。鄉射于郊。則閭中。注獸如驢一角。又曰皮樹似驢。王會北唐以閭。閭似踰冠。山海經縣雍之山。其獸多閭。注閭卽踰也。似驢而岐蹄。角如鬮羊。爾雅鬮。秦人謂之小驢。注曰似鼠而馬蹄。一歲千斤。

鬮子。豚也。豕豚也。○何承天纂文云。梁州曰鬮。音攝齊徐以小豬

爲鬮。音鋤東璧曰青竟。徐淮者耳大。爽翼者皮厚。梁雍者足短。遼

東者頭白。嶺南者花白多。生江南者耳小。曰江猪。孟詵曰白猪

花猪。黃臚者不可食。湧幢小品曰豕張腹而臧畢露者也。升菴

謂爲貓猪。說文豕音異。修毫獸。丁度作豨。曰河內豕也。崔豹古

今注謂豕爲參軍。雲仙雜志曰黑面卽列子曰牢有欄子。張湛

注曰。凡物不知生之。主謂之蘭。以肉言則豚爲全體。爻爲分體。

智按古遯作遂。豕卽豚也。詳見疑始。合溪以豕卽亥。升菴以豕

音希。豕豨豨豨一聲。豕豚一聲。見雜說中。

麇羊。九尾羊也。○說文麇。山羊也。山海經作羆。角以細感節。挂

痕爲真。真白言一角。而藏器非之。山羊。山驢。羆羊相似。寰宇志

實載有一角者。爲真羆羊。二角不感節者皆山羊。所謂羆羊。覓

音桓羊之類。說文曰。細角者山驢。則王會儀禮之所謂閭也。廣西

多山羊。血治跌傷。能死回生。

羊名羆根。殺羆黑羆羊也。○仇池筆記曰。王中令賦蒸豚詩。若

把羶根來比。羶根自合喫藤條。羶根羊也。亦名卷婁。見莊子。陳無功取之。智按莊故寓言。然詳上文卷婁非羊名。蓋盛羊肉之器。猶聚儂也。若舊解拘孿。則俚語耳。爾雅夏羊牡羶。音牝。音注牡羶。黑羶也。今以并殺為白黑羊。名疏云白牝。黑牝。殺。焦光歌本為殺。并羊。夏殺及羶。言無白黑。今東璧以殺為牡。豈爾雅誤乎。古今異稱。平葉盛水東日記。莊浪衛近雪山。有饜羊。土人歲取其脂。不久復滿。郭義恭廣志云。西域驢羊。今洮羊重百斤是也。此羊羊皮蹄。可以割黍。又有地生羊。姚桐壽樂郊私語。言楚石禪師詩。自言羊可種。不信繭成絲。嘗以為疑。後見吳大夫有西域種羊。皮書禱歌。劉有出使西域記。言以羊臍種。聞

雷生臍。驚以木聲。臍乃斷。至秋可食。臍內復有種。名瓏種羊。段公路北戶錄。言大秦國地生羊。臍與地連。走馬擊鼓。以驚絕之。吳策淵頴集。言以脛骨種。可信物理。猶今以火灰伏鴨卵。飯合稗。累日掩土而種。蟲飼雞也。大尾羊。即靈羊。細毛薄皮。西藩以為紙。杭州以作燈。

途名。獬子。○刊繆正俗曰。呂忱字林。獬未辟羊也。今言小羊為。旋子者。訛。當言獬子也。途亦小羊。詩先生如途。

狗一名重工。一名譽。○重工見穆天子傳。說苑客謂孟嘗君曰。周氏之譽。天下之疾狗也。石藥爾雅。白狗膽。一名瓠汁。耳上血。曰白龍柒。蓋以槃瓠為狗名。故稱瓠汁耳。殷虞。晉葵。楚黃。韓盧。

宋從狼狐狂獫狝犬屬見廣雅呂覽曰楚文王殺茹黃之狗凡
 夫但引渚宮故事之茹黃而不知其早載呂覽也卞彬禽獸沒
 鉢載狗名黑龍卽搜神後記張然之犬郎瑛所云烏龐也又張
 平狗名飛獍若驢南史張彪犬名倉黃猶士衡之黃耳華隆之
 的尾以色爲名不足異也劉貢父以黃耳爲僕名干寶言懷瑤
 張懋聞地下之犬卽尸子所云地狼夏鼎志所云賈也又云猥
 國獸竊女生子送還家皆姓楊水經注孤獨母有犬曰鵠倉卽
 徐偃王則與盤瓠同駭矣以劉宋元嘉孟慧度婢蠻之事及明
 帝時交三日不離者則盤瓠與高昌之牝狼何怪焉
 賈犬卽贛又有狡犬有鮑犬異獸似犬者生生禍斗兩貴○通

典大秦國有贛出西海有養者似狗智按爾雅贛注西海大秦
 犬有養者則贛卽贛之訛也音鉉杜八哀詩贈蘓源明不惡懸
 黃金胡爲投乳贛注音犬出大秦國今從舶來西洋犬多皆曰
 葵有極獷者贛類也王會壯漢狡犬渠叟鮑犬都郭生生欺羽
 生生如黃狗鮑犬卽山海經馬成山之露犬如白犬而黑頭者
 能逐虎王融曲水序用統牛露犬是也太平廣記禍斗如犬食
 火糞亦爲火能燒人屋白澤圖臺屋之精曰兩貴狀如赤狗見
 而以其名呼之使人目明

兀兒鼠本周兒雀卽同穴之鳥鼠也○甘肅志涼州地有兀兒
 鼠者似鼠尾若贅疣有鳥曰本周兒者似雀色灰白常與兀兒

鼠同穴而處。郭璞注爾雅。鼯如人家鼠而短尾。餘似鷄而小。黃
黑色。突入地三四尺。鼠內。鳥外。在隴西首陽縣。孔傳云。其為雌
雄。張氏地理記云。不為牝牡。渙仲曰。首陽在今熙州渭源。貴與
曰在渭州。曰青雀山。今渭源縣。屬臨洮府。有鳥鼠山。

物之白者。時有其種。不必異也。○顧遯園曰。癸丑見京口徐氏
白兔。雪毛赤眼。云得之天台洞中。有猿。鸚鵡。穿山甲。蜈蚣。皆白。
石埭金都閩家有白猿。似習禪定者。余家淮水。飲虹橋。河房有
白鼠。白物不必長季。不必瑞。自有此種。顧公知之。何又信天台
洞之五白物邪。崇禎初。白兔自外舶來。直百金。後漸多。甚賤。姚
有僕南海署中。畜白兔。每月生子。亦非吐出。時為黃狸攫去。墨

客揮犀言。雀出散時。以蜜和飯飼之。即白。後漢方儲以孝致白
兔。金哀宗時。邠州進白兔。何古以為瑞。而今日忽多邪。

牝畜為草。○何夔泉曰。俗以牝畜為草。如草狗之類。其言有自。
晉郭欽謂魏杜畿。謀民畜特牛草馬。宋絲曰。李君有國土之分。
家有鬮草馬。生白鷄駒。此其時也。

鳥獸之身多名。各以意稱之。或方言也。○鳥背曰味。曰喙。爪曰
距。尾曰翠。一作驛。一名尾壘。內則舒雁翠。脰脰曰與。禮不食鴉
與。隴為亢。為員官。糞為嘑。翅為翮。翎。春秋傳。害鳥帑。注鳥尾曰
帑。疑是鳥雛。鳥腳短者多伏。腳長者多大。腳近翠者好步。腳近
臆者好躑。翼右掩左者雄。左掩右者雌。又糞尖者雄。圓者雌。山

禽味短而銳。水禽味短而圓。山禽尾多修。水禽尾多促。陸鳥曰
 栖。水鳥曰宿。獨鳥曰止。眾鳥曰集。朝鳴曰嘲。夜鳴曰咳。鷄曰蠹。
 肥脂。雌鷄之生陽也。雄鷄矢乃有白。按神農本經作白臺。謂鷄
 子白之凝者。一名父公臺。藏器以為橐。時珍以為蠹。鴨有肫衣。
 雁頸曰殊。禮樂志赤雁集。六分員。殊翁襟。五采文。孟康曰殊。雁
 頸也。此解未必當。或當時有此語。蝙蝠矢曰夜明砂。神農本經
 曰鼠法。鷓子兩翅各存複翎。左名撩風。右名掠草。凡走獸及牛
 馬諸畜。肝膽之間有肉囊累累。多至升許。大者如鷄子。曰鮮荅。
 陶九成輟耕錄言之。京房易占曰。兵強主成。則牛腹生石。生于
 癩犬腹中。則為狗寶。熊太古冀越集曰。馬有墨在腎。牛有黃在

膽。狗有寶。鹿有玉。鵲亦有玉。丑寶。牛黃也。牛項乘曰胡。蹄肉曰
 躡。百葉曰脰。又曰析。見周禮。角胎曰腮。玉篇曰牛拳。音曰楊。腹
 草未化曰聖。蠶矢曰洞。說文脰。牛百葉也。服虔曰有角曰脰。無
 角曰肚。一曰胃之厚肉。俗曰肚。脰音弦。凡畜之外腎曰石子。豕
 兩腎間似脂非脂曰脰。音豕卵曰顛。畜之草積曰脰。馬矢曰通。
 猪矢曰零。呂覽曰。肉之美者。旄象之約蓋約。通小。傻處也。述蕩
 之擊。高誘曰擊。蹈也。當是擊。唐本草有底野迦。西郵以猪膽作
 之為丸。赤黑色。熊膽曰白。掌曰蹠。虎有乙骨。目光入土如白石。
 曰虎魄。狼脂曰觸。蟲之峻曰螫。言垂腴狀之也。凡類曰醜。鼈竅
 亦曰醜。海狗之腎曰膾。膾臍。今南方有鹿鞭。鹿外腎也。凡魚腦

蜻蜓或作青蛉。又作叮蛭。或曰負勞。曰諸乘。曰胡黎。曰紗羊。曰
 螳。曰螻。曰江鷄。曰青卒。曰絳縐。曰青衣。使者曰赤弁。丈人
 曰紺鬢。曰白宿。曰螂蛉。一物也。○爾雅曰負勞。陶氏曰諸乘。崔
 豹曰小黃。曰胡黎。鄱陽曰江鷄。餘則以色稱之耳。淮南子蝦蟆
 為鶉。水蠱為螳。青蛉也。一名白宿。造化權輿云。水蠱為螳。本
 艸作螳。則螳為訛。螳。螳。即螳。螳之訛。異名疏叙青蜓。引方言。雌
 蜻謂之疋。音祖。是重誤矣。方言此條。言螳蟬也。胥本音胥。其詩
 類考。蟋蟀。一名蜻蜒。亦前人之誤也。方言。蜻蜒謂之螂蛉。注六
 足四翼。江東名狐黎。淮南曰螂蚘。正蜻蜒也。道家曰眼可化為
 青珠。能止精。

搥末。蛺蝶也。○一稱胡蝶。木蠹菜蠹皆化之。陸德明曰。蛺。一名
 胥。因莊子蝴蝶胥也。崔豹曰搥末。蝶也。江東所呼色白者青者
 是也。列子謂鳥足之葉化蝶。或言百合花化蝶。北戶錄言樹葉
 化蝶。如丹青。野史謂綵裙化蝶。丹鉛錄南海蝶大如蒲蚘。稱肉
 八十斤。海南有鬼蝴蝶。在紅焦上者曰紅蝙蝠。嶺南有樹蝶。樹
 蜂樹蟻皆連于樹上。
 丹良。螢也。○古單作螢。爾雅螢火即照。或作蚺。月令夏季腐草
 為螢。呂覽作化為螢蚺。淮南子作腐草化為蚺。注蚺為馬蚘。出
 糞。名曰秦渠。則失矣。合溪曰親見螢產草中。不信腐草為螢。不
 知實陽氣蒸腐草。濕熱所化也。或先氣化而後相生有之。毛萇

曰熠燿。燐也。燐。螢火也。諸家據說文燐為鬼火。非之。毛指其光耳。今人即以熠燿宵行作螢之二名。亦非。月令注引夏小正注。丹鳥。丹良也。皇氏以為螢。火王符曰蓬中拾自照。謂螢火也。陸佃曰蚺。音溪。非宵行也。如蠶尾後戴火。可見螢有二種。一飛一行。潛谷言西北螢火大如棗。

莊子之厲蠶。博雅之蠶蠶。皆因意大各也。蠶毒曰蠶。故有惡蠶。○萬即范。蜂也。赤翅蜂。窠土或木。食蜘蛛。巴中蜂。在峯鼻蛇穴內。最毒。元稹有詩。此厲蠶也。莊子曰厲蠶之尾。注長尾曰厲。短尾曰蠶。厲音賴。後人以其溷蠶。改作刺。故博雅曰蠶蠶。蠶也。蠶尾長。當別名。蠶耳。蠶一名主簿蟲。說文蠶。粗外切。乃蠶之

名。音轉為蝮。俗作蝮。按蠶無他用。蠶重文耳。墨客揮犀曰。有蟲如扁蟬。隱屋壁及書冊。前如蟹螯。鄭房為所螫。遇良醫曰。此名惡蠶。不治殺人。智在皮。即被左苗中。常有引螫扁蟲。入人書籠。螫人。土人謂之渴沙。

螺贏。蠃。蠃。蒲盧。皆螫蜂也。○陶貞白謂螺贏自生子。如粟粒。捕取螟蛉以飼其子。韓侂冑宗奭皆云然。列子純雉無雌。名曰穉蜂。莊子細腰者化。亦道聽也。詩人據所見。聖人取其教。子似續之大意耳。注詩者泥解。彭乘曰。陶說不妄。泥巢屋壁者曰螺贏。穴地巢者曰蠃。窠于書卷或筆管者曰蒲盧。螺贏蒲盧。即捕桑螵及小蜘蛛。蠃螫捕蠃蝟與蟋蟀。捕得皆螫殺。置穴中生。

子其上。以泥隔之。旬日子大成。蜂能飛。而蟲盡矣。王少夫曰。余驗其螫殺。而後呼活之。王浚川曰。必附蟲而子乃生。借氣也。說文引詩。蠋蠃。易林曰。蠋螺生子。浚目黑醜。三卦同爻。一作蝸螺。知卽果蠃。

綠金蟬。卽吉丁蟲也。○吉丁蟲背正綠。有翅在甲下。出嶺南。人取帶之。令人相媚。渙仲云。爾雅。蚘蟻。蚘也。甲蟲綠色。似金者也。北戶錄云。金龜子。甲蟲也。背如金貼成。竺法真羅浮疏云。金花。文如金。宋祁益部記。利州金蟲。皆謂其綠甲。有泥金之光彩。非謂如金黃色。今爲簪釵飾。曰綠金蟬。

顛當。土蜘蛛。蓋蚘蟻之轉語也。○爾雅。王蚘蟻。郭注。螿蟻也。蚘。蟻音迭湯。聲轉爲顛當。鬼谷謂之蚘母。金樓子謂之鈞索。駭陳無功本引爾雅。王蚘蟻。誤。此卽土中結網之蜘蛛也。段成式曰。顛當穴土爲蓋。大如榆莢。秦中兒謠曰。顛當顛當。牢守門。蟻蚘寇汝無處奔。

月令。仲春祭馬祖。季春享先蠶。禁原蠶。爲傷馬也。蠶神曰宛窳。○蠶與馬同神。蠶爲龍精。其首類馬。星屬天駟。月直大火。則浴其種。故周禮。禁原蠶。吳都賦。八蠶之綿。李善注。引劉欣期交州記。一歲八繭。出日南。吳錄曰。南鄉郡。一歲蠶八績。高似孫引海物異名記曰。八蠶共爲一大繭。東壁曰。南粵有四眠。兩生八出者。其溺曰沙。皮曰蛻。囊曰繭。蛹曰蠹。音。蛾曰羅。卵曰蛻。音。初出

曰蚘音苗自疆色白。弘景云鹽度非也。荀卿蠶賦曰：此夫身女好而頭馬首者，與汜勝之言蠶法。陸龜蒙作蠶賦，說郭載淮南王蠶經，偽書也。升菴曰：馬頭神，蠶神也。後漢志曰：宛窳，山海經載女子歐絲，其蠶神乎。今術家末僵蠶，傳馬口，卽不能齧草。何子元曰：後世遂有蠶女兒、馬明菩薩、馬頭娘之說。見于中華古今注及搜神記，乘異集，何其妄也。

天螻，土狗，與螻蛄。鼯鼠，螻蛄，并載者，誤也。○土蟻亦謂螻，而螻蛄乃土狗也。好攻土，夜飛傳火，以其好攻土，故屬之于螻。爾雅音斛天螻，螻蛄。注曰：螻蛄類也。方言：蛄，謂之杜狗。格，音螻。螻蛄，謂之螻蛄，或謂螻蛄。南楚謂之杜狗，今引者作土狗。漢晉聲述

也。本草圖經引夏小正：三月穀則鳴，甚是。卻誤引廣雅曰：螻蛄一名碩鼠，以為五枝而窮之，語鼠則大誤矣。或以螻蛄為螻蛄，亦謬。螻蛄蓋蟬類。前人見一字相同，則牽纏而不能沒。然則因論螻蛄而可引螻蛄乎。孟夏螻蛄鳴，螻蛄，螻蛄也。李東壁稱能考正者，亦以螻蛄鼯鼠螻蛄并載，何也。

螻蛄，蟬也。蛻曰復育。○王充曰：蟬之生復育也。闔背而出，段成式云：未蛻時名復育，相傳蛻螂所化。冬附樹根朽處，蓋蟬朽木所化也。剖腹中有朽木，一名齊女。崔豹言：齊王后所化，異矣。古今稱此類殊混，故別之。以爾雅言，則螻蛄為總名。螻蛄，蟬之大者。額廣而方，故詩稱螻蛄首也。小正曰：鳴蜚，虎縣。

蚤。卽螻也。東壁謂螻小。非矣。夏鳴大而黑者。炸蟬也。又曰蝟。鄭
綿音曰馬蝟。幽詩五月鳴蝟是也。東壁曰頭有花冠曰蝟。曰蝟。
日蝴蝶。蕩詩如蝟如蟾。是也。戴氏曰詩兩稱之。蝟蟾明是二物。
而其聲雜也。具五色者曰蝦蟆。夏小正曰偃之興。五日翁。望乃
伏。注偃。唐蝟也。東壁改作蝦。耳小而文曰麥蚤。小而青綠曰茅
蝟。曰茅蠶。秋月鳴而青紫曰螻蛄。曰蛸螻。曰蛸蛛。音挺曰蟻蠃。
日蟻蚊。音舌沒。小而青赤曰寒蟬。曰寒蚤。曰蛻。去得疥風則瘡
不能鳴曰瘡蟬。二三月鳴而小子寒蚤曰蟪母。陶隱居以螻蛄
爲寒蟬甚確。司馬彪曰卽蛻蟬。崔謨曰卽蛸蟬也。陶謂螻蛄爲
二物。則惑于螻蛄耳。蟬市連切別作蟻。蝟或作蝟。

蜻蛉卽蟋蟀。一作蟋蟀。○樂府有蜻蛉篇。卽蟋蟀。息七所一作
蟋蟀。說文作蟋蟀。墨澤善鬪。吳中養之。以仰頭捲頸。練牙。踢腿
爲四病。七月鳴。又曰趣織。樂府作促織。虎丘曰趨織。一名孫旺。
陸璣曰。楚人謂之王孫。博雅因作虬孫。而反語謂之孫旺耳。爾
雅曰蟋蟀。蚤或作蚤。蚤。一曰秦謂蟬蛻曰虱。朱子云斯螽。莎鷄。
蟋蟀。一物。隨時變化。而異其名。今所見同時齊鳴。形類各別。馮
嗣宗嘗恨許慎。以蟋蟀爲卽且。土蛇之誤。按此乃淮南注引卽
且爲蟋蟀。舊云許慎注。陳直齋曰。題許慎注。詳序文卽是高誘。
而說文蟋蟀下無此解。


商鉅。秦渠。馮功。馬。螭。百足。刀環。蟲也。卽且。蜈蚣。蠖。蠓。一類也。



○魯連引古語曰。馮功之蟲。三段不僵。墨子引作百足之蟲。三
 斷不蹶。則馮功卽百足矣。爾雅曰。蝮馬。蟻。方言曰。馬。虻。北方曰
 蛆。蝶。大曰馬。軸。軸亦作。蝮。淮南子曰。若蚘之足。眾。注讀溪幽州
當音沂
 曰秦渠。一曰馬陸。其大如指。莊子曰。使商。鉅。馳河。卽刀環蟲也。
 卽且之說不一。淮南注卽且爲蟋蟀。郭璞以爲似蝗。大腹。此皆
 失矣。爾雅曰。蒺藜。卽且。廣雅曰。蜈蚣也。日者傳後曰。卽且甘帶。
 騰蛇游霧而殆于卽且。此其證也。蒺藜亦狀蜈蚣之形耳。尺蠖。
鳥郭切似百足。多生桑上。卽今螂。一名步屈。小而多足之毛蟲。
 曰蠖。蠖俗呼爲蠶。蠶溺能瘡人。
 蜚。害苗蟲也。負蟹。則又一蜚也。山海經曰。白首之蜚。又一蜚也。

○春秋書有蜚。平去二聲爾雅曰。蜚。蠹。卽負蟹臭蟲也。廣雅則以
 爲蠹。劉氏五行傳以爲負蟹。其實蠹爲土蠹。負蟹艸蟲。蠹類也。
 智以草閒大臭蟲隨地生之。何關春秋之書。通志曰。害稼始謂
 蜚。蠹則蠹類者。近是。升菴論蜚不爲災。亦引負蟹。牽未判耳。山
 海經有獸白首。如牛。一目。見則有兵疫。曰蜚。亦引爲一乎。鄧潛
 谷引論曰。食苗心曰蝨。食葉曰蟻。食節曰賊。食根曰蝨。食花曰
 蜚。此因爾雅四種而增一種也。今按此蟲又有四種。一曰蜚。蠹
 則滑生茶婆蟲也。一曰負蟹。蟲則扇盤蟲行夜者也。蠹則斂箕
 蟲。過街上斂也。負蟹則草蟲。蠹類也。

蠹卽蝨。○蝨。戠戎切卽蠹也。爾雅曰。蝨。蠹。草蝨。負蟹。蝨。音斯蝨。松



通雅 卷之四十一
作蟻。或音特。賊作蟹。食禾節者也。東坡獨不看爾雅邪。程泰之曰。徽州呼橫蟲。汪彥章曰。有旨恤蟲災。言徽州蝻蟲為害。蝻卽橫蟲也。橫本有黃音。智又按齊民要術。言殺蟲曰好蚘。卽子方。乃食菜之蚘也。平水韵增云。好蚘食苗。唐書宋史皆載好蚘害稼。或方語通稱邪。芴不肯之名。果奇。然見說文訓黨字。蟻不過也。則漢時已有此等名矣。張有曰。好蚘。古但作子方。鄭玄解方以類聚曰。行蠱其強蚘乎。唐宋史借稱螟類。智按方芴古通。子方當是子芴。子言小也。從芴斷禾之節。

郎巾可以詰盜。續博物志。唐武德四年。官市郎巾。有疑為狼筋者。有老僧云。曾以一千子賈胡市得三枚。狀如巨蝻。兩頭光帶黃色。涇帥段祐宅失銀物器。集眾灸之。賊人辱暱。與蟲俱動。柯古亦有此條。又一條言狼巾。贊寧志直言為狼之筋。

蝻。善負小蟲也。爾雅蟲部。傅負版。郭璞云。未詳。吳曾按。柳子厚集云。蝻者。善負小蟲也。行遇物。輒持取。仰其首負之。背愈重。雖困不止也。

蝻卽蟻。爾雅曰。蚘。大蝻。小口蝻。蠶。打蝻。蠶飛蝻。方言曰。齊魯之間。謂蚘。蚘曰蚘。西南梁益之間。謂之玄蚘。夔謂之蛾。蚘大而赤色者。名蠶。要論之。白蟻居土中。有城郭君王。蠶屋化而羽。夏月陰雨。全飛。殆蚘乎。蚘或作蠶。者誤。蠶乃扁蟲。著牛馬。食其血者也。白蟻亦曰螻。亦曰土蟻。玄蟻尤蕃。遇羶負曳。大頭

不負曳。若糾率者。故世以情群者為大頭蟻。小而微黃曰黃蟻。稍大好咬群蟻曰虎蟻。有蛆蟻。狀如墨蟻。化而羽。能螫人。爾雅所謂丁蟻也。有臭蟻。好緣木為窠。此其略也。蟻與蛾通用。記曰。蛾子時術之。音蟻。蟻子蛾。繭作蚤。按鼈人共互物。內有蚺醢。注。蚺蟻卵。今按本文有九。狂物。則蚺必水物。鼈鼈之類。恐非蟻子。里革言國語曰。魚禁鯢鮪。蟲舍蚺蜋。鯢鮪蚺蜋。似為蟲。魚孕育之通名。非專言蛾子也。

強蟬。黑米象也。毛蟲雀甕之蚺蜋。非蚺蜋也。○爾雅曰。蚺蜋強蟬。又曰。疆蜋。音疏曰。今米穀中小黑蟲也。江東謂之蟹。建平人謂之蟬子。智按廣東謂之米牛。紹興呼為米象。齊人又呼小蟻。

為蟬。說文曰。蟬。搔蟬也。蚺蜋。強羊也。強。从蟲。弘聲。錯曰。弘非聲。秦刻石文从口。疑籀文。戴氏曰。籀文疆即蟬。鄭曰。疆省作強。而人通以強作疆矣。爾雅復有蠹。音墨。蚺蜋音近蚺。蜋亦黑蟲也。貞白曰。蚺蜋。耗蟲也。石榴樹作雀甕。曰蚺蜋房。以黏音蚺。則毛蟲其名蠹乎。

白鳥。蚊蚋也。○張邦基曰。子美寄劉伯華云。江湖多白鳥。天地亦青蠅。人多指鷺。按月令仲秋。群鳥養羞。注引夏小正曰。九月丹鳥羞白鳥。說文謂蚊蚋也。金樓子云。齊威公卧于柏寢。白鳥營錢而求飽。公開翠紗之廚而進焉。知足者儻肉而退。不知足者飽而腹潰。蓋戒貪也。弱侯終以子美白鳥為鷺者。是不妨二。

物一名。五色線言。南海蟲無骨曰泥。因以一日不齋醉如泥。謂如此蟲。宋人拘泥可笑。

子子生蟲。蚋其細者。○水中赤蟲曰蜻。一名子子。俗呼沙。說文曰子無右臂。子無左臂。游水際。遇人則沉。以腰有力。通其音為蜻。淮南子曰子不為蟲。高誘曰子不倒。跂蟲也。子才

作子。子。蟲即蚊。亦作蟲。說文作蚊。而鏡切秦晉曰蜻。楚謂之蚊。其實蚊蚋為二物。蚋蟲之訥者。荀子曰醯酸而蚋聚。蓋生醯中曰

醯。雞亂飛曰蠛蠓。音蒙占家以旋主風。衝主雨。蠛亦甚細。然為知聲蟲。今人以醯雞為蠛。非也。又有鳥曰蠛母。郭璞曰似鷄而大。

黃白雜文。聲如人嘔。其吐納皆蚊。鄧氏曰鷄也。

蟾蜍。一作蟾諸。詹諸。○蟾蜍之蜍。文作儲。古蟬作詹諸。王會濟中。瞻諸。爾雅曰鼃。鼃蟾諸。即蝦蟆也。淮南謂之去文。升菴引鼃

鼃作鼃。鼃音戚施。誤矣。詹諸。蛤蚧也。身大背黑。多斑。磊曰蛤蚧。一名去甫。一名苦蠶。俗以蝦蟆為鼃之通名。而謂此為癩蝦蟆。

蕭炳神其說。言蟾下有丹書八字。故陳藏器疑惑。而且以蝦蟆與蟾蜍辨。何泥也。爾雅螿蟄。郭音驚。又上聲。此謂青龍也。龍蟄

皆總名。大而青脊者。俗名土鴨。鳴甚壯。黑色者。南人呼為蛤子。食之至美。亦名水鷄。亦呼田鷄。衍義曰大聲蛙。小聲蛤。月令所

謂雀入大水。化為蛤者也。雜俎曰。龜無故自濕者。赤蝦蟆名。鈞注。居之。去則止。其大者曰田父。能食蛇。又曰輪。張子賢云。舒州

曰多蟾。括蒼人口風蛤。德興毛山捕大蝦蟆。名石撞。看人恨不脫得錦襖子。卽此物也。

蟻。地龍。蜚蠊。堅蠶。螻蛄。螳螂。胸臆。附引。皆蚯蚓也。○餘冬序

錄云。孟子巨擘。蓋齊地有蟲。類大蚯蚓。人謂之巨擘。善擘地以

行。此說亦奇。蚓轉為螻。一曰歌女。一曰堅蠶。音遣黍。胸臆以名

其縣。江南北呼為曲蠶。或呼寒欣。或上聲。字書遂造蟻螻二字。

吳氏曰白頸螳螂。一名附引。其矢曰六一泥。成式續集曰李貽

孫見木枝化蚓。

椒圖。虬。嘍。鼻。屬。霸下。鳴吻。嘲風。蒲牢。蜥蜴。囚牛。虬。蝮。狴犴。睚眦。

饕餮。螭。皆龍子者。因一二而傳會也。以狴犴亦龍子者。妄矣。

後狴。鬻子也。○升菴云龍生九子。各有所好。椒圖似螺。好閉

故立門上。詞曲門迎駟馬車。刀列入椒圖。卽謂此。見菽園雜記。

陳無功曰。刀子云。法螺蚌而閉戶。後漢書。禮儀志。殷以水德王。

故以螺著門刀。此卽鋪首也。蚺。好負重。今碑下獸。鳴吻好望。

金屋上獸。蒲牢好鳴。今在鐘上。蜥蜴好水。今立橋上。狴犴好訟。

今獄門上。睚眦好殺。今在刀上。饕餮好飲食。故立于鼎。又曰蚺

螭好水。立于橋柱。蚺。好險。故立于護朽上。嘲風好險。今殿角

作之。後狴好烟火。今在香爐。囚牛好音。今胡琴上形。智按此多

參差。亦後人附會也。霸下乃蚺。鼻。屬。之轉。碑趺象之。卽句虺

類也。黃憲外史曰。嚮者狴犴之勞。則以狴為陛音矣。狴是犬類。

善守。非好訟也。虬螭卽蜥蜴。蚘蝮卽虬螭。升菴不能折衷。而反
 爭注蝮爲舌折二音邪。蓋古多字有移後二音。故螭之答音相
 近。蚘則虬字之訛耳。嘲風卽鴟吻。又或以爲蚩尾水物。可以厭
 火。亦係乎人之說耳。大于殿角者。亦名陽馬。此人象之而名也。
 卽如後猊。豈盡龍之子乎。後音酸。師子也。古師作𠂔。象獅形。黃
 省曾以虬爲獅子。說苑云師曠言駿驥食豹。駿驥卽後猊。从犬
 从馬。一也。然後則可讀後。

靈龜。大者爲螭。螭。負。屬。小者曰鼈。鼈。○應邵注漢書曰。靈螭。大
 龜也。雌曰螭。螭。音資。雄曰玳瑁。時珍曰。秦龜是山龜。螭。是澤
 龜。嶺表錄異。螭。俗謂之玳瑁。人以木楔其肉。吼如牛。乃煮拍

之如玳瑁。吳都賦。巨鼈鼎肩。音遊又作鼈。屬。韻會作鼈。屬。諸經

音義作罽。罽。雜俎及楊孚嶺南異物志。作係臂。劉欣期交州記
 云。蚘。似毒瑁。大如笑。四足。纒胡。玳瑁。有四鬣。而無足。萬曆初
 腰帶曰玳瑁帶。實卽青花帶也。又有龜筒。出南海中。似玳瑁。而
 無斑。又有魚頂。鮫。紅如血。名鶴魚。以龜筒夾鶴魚。鮫爲梳。名鶴
 頂梳。王莽傳作毒冒。卽毒瑁。崔希裕略古作疇。疇。


蜥蜴。總曰螭。大者曰山龍子。綠木曰蠃。在艸澤者曰蠃。在
 屋曰守宮。捕蠃曰蝎虎。言其變曰十二時蟲。有如蛙首者曰蛤
 蚘。○蜥蜴。亦作刺易。蜥。守宮。蠃。徒典。蠃。一名石龍子。俗
 謂之壁虎。亦呼蜥虎。蘇恭謂之蝎虎。方言作虺。蓋虺。螭也。而

誤作蠖。蠖則蝸牛矣。謂其捕蠅皆一物也。大小長短異耳。蠖涎為大者。丹碧色則短尾。純青色則長尾。守宮以養丹砂而成。蛤蚧出嶺表。似蜥蜴。故方言曰。桂林之中。守宮能鳴。即蛤蚧也。嘗自呼其名。一歲能鳴一聲。其頭似蝦蟆。獲其雌雄合者益陽。此顧珍海樞錄所說。趙宦光云。蠖。蠖。蜥蜴也。不知何據。說文一曰。蠖。蠖。蠖也。


睽聽千歲。蛟木僕。苟印。當一類也。○呂忱云。睽聽如蜥蜴。居樹上。齧人。與蘇頌所言。千歲。蝮相似。說曰。有四足。齧人。上樹曰砍木。斫木即不可救。曰博叔博叔者可急治之。成式曰。木僕若龜。尾長數寸。居樹上。食人。藏器曰。苟印。一名苟斗。出潮州。如蛇四足。

蝮。即蛟也。雉入水化之。蝮。乃蛟屬之。蝮。非蚌蛤之蝮也。○蛟有四足。蛟之屬有蜃。似蛇而大。有角。陸佃云。蛇交龜則生龜。交雉則生蜃。類書。蛇與雉交而生子曰蝮。似蛇四足。蝮音杲。即蛟也。陸禋續水經。及魯至剛云。正月蛇與雉交。生卵。遇雷即入土。數丈為蛇形。二三百季能升騰。卵不入土。但為雉爾。任昉述異記曰。能者。蛇所化也。冬為雉。春復為蛇。即蘇化之黃能。此皆泥絲入羽淵而為此說耳。

吉弔脂。紫稍花。龍鹽也。○孫光憲北夢瑣言曰。海上人云。龍每生二卵。一為吉弔。多與鹿游。或于木上遺瀝。直流樅則枯。著如



如蒲槌。或青黃。或灰色。號紫稍花。升菴曰。道樞所謂鹽。卽吉弔紫稍花也。按裴淵廣州記云。弔生嶺南。蛇頭龜身。其膏至輕利。銅瓦盛皆漏。惟雞卵殼盛之不漏。則弔固一物也。藏器誤以爲弔。何遠春渚紀聞曰。宋徽宗時。蕭注破南蠻。得鹽龍。長尺餘。養之以海鹽。飼之鹽。出鱗。收取能興陽。說郭內南墅閒居錄載。丁謂龍精石。謂龍交海上。精流于石者。

宅。卽鼃也。○合溪曰。說文以宅爲蛇。蛇蓋巳也。古卽象蛇形。後別爲蛇。或作蛇。其實宅本是鼃。其音同也。神農本經。鼃作鮑。此是一證。亦因後世字亂如魚于旁也。綱目以爲鼃非。漢鮑之類。改之。博物志謂之土龍。鳴應。戛鼓曰鼃鼓。陸佃曰。宅身具十

二生肖。凶。惟蛇肉在尾。最毒。

密丁。銅釘也。朗晃。圓蛤也。○海物異名記。密丁。魁蛤之子也。與化志有空豸。朗晃。形厚。脣黑。智在閩中。見有圓蛤。號曰銅丁者。正是其類。今俗呼異名耳。蜉蝣。馬刀。細長蛤也。蠟。扁蛤也。陳藏器曰。匾而有毛。如淡菜類。擔羅。新羅之蛤也。

蛤。蜃。蠃。蚌。蚶。蠃。蠃。蠃。皆海介物。兩殼相合者也。

○蛤不一。圓大者曰蛤。螺。亦作蛤。蚶。西施舌。亦蛤類也。本艸以

車螯爲大蛤。爾雅。蜃小者蜃。傳曰。用蜃炭。蠃。寶邊。本牌。疲。蚌。

棒本。三字乃一聲之轉。實一物也。鼈人掌取互物。共廔。羸。蜆。爾

雅曰。蜉。廔。蚌。含漿。說文曰。廔。蜉也。修爲廔。圓爲蠃。蚌。蜃屬也。蠃

通雅

卷之四十七

五

浮山北藏軒

通雅 卷之四十一 蟲 三十一 海山此齋車

大而產珠多。故曰蠙珠。蠙因作瑣。玳瑁。麤。又作蠃。蚶。蚌。又作鮑。

蚌。鱗。蠃。說文曰。鮑。蚌也。又有蜃。鮑。山海經曰。狀如覆鉢。是生珠。

玉蚌。火合切厚殼如屋瓦。亦曰魁陸。蚌。虛裁切似蚌而肉甘。毳。蠃。呼切

似蛤。蜊而小。廣人以蜆。隋書劉臻父顯嗜蜆。呼為扁螺。其稍

大者。呼為蠃。蜆。卽乃切。陘。長而盧黑。又作蜆。蜆。丑經切。修長如指。閩

中有至小者。甬東人種之。至大。蜆。余招切。薄殼而大。其柱最珍。別

作玳。玳。卽所稱江蜆柱也。蠃。厚殼。附石崖而生。曰蠃房。異物志

曰古賁。牡。礪也。一名石雲慈。韓保昇曰。又有蠃。形短。蠃。旅生

相附如山。謂之蠃山。廣亦槩呼大蠃。大蜆為蠃。其殼以之代磚

作墻。羸。卽螺。通作蠃。別作蝸。海羸有絕大者。臨海志。烏頭似蚌。

蚌有徑四尺者。姚寬曰。蛤。蜊。文蛤。皆一潮生一暈。

海月。江瑤柱也。古曰玉珧。○江賦注。大如鏡。白色。彙苑。一名膏

葉盤。卽江瑤柱。東坡以此敵荔枝風格。升菴曰。今之馬甲柱。古

曰玉珧。是也。其別條。又以江瑤柱為蠃黃。則誤矣。元瑞言。奉化

四月風起。江瑤。或一再上。如蚌而大。肉腥而肥。後有肉牙長寸

許。圓白如珂雪。此柱也。余在廣州市角帶子。卽蚌之柱。而乾者

也。在寧波。則曰江瑤柱。蠃黃。一曰蠃房。以附石而生。閩中最多。

升菴之誤。審矣。或曰江瑤柱。其肉香而脆。言腥而肥者。非。

蠃。蚌。蠃。蠃。蚶。蚌。狗沙。皆蟹類也。郭索。蠃。行兒。○廣雅

蠃。切。胡買。蠃。曰博帶。雄曰蝦。蝦。出于海者。名蠃。亦作蠃。作結切。今高


通雅 卷之四十一 蟲 三十六 海山此齋車

州志有蠟螬是也。說文有蛭子。蛭即跪也。荀子曰蟹六跪而二螯。俗作螯。不必也。同類有蝥螯。亦作蚌。其殼不毛。後跪薄而闊。如權。故又名撥權。一名蚌。又名蝥蜩。蚌殼旁有兩尖。彭蠡。王代切爾雅蝥蟬小者蝥。又作蝥螻。大約似蟹而小。別有彭蜩。擁劍。似彭蠡而大。似蟹而小。蔡謨誤食。即此也。擁劍一名桀步。一螯偏小。以大者鬪。小者食。一名虎蚌。其殼闊而多黃者名蠟。出南海中。又有蠟。烏介切似彭蠡可食。薄殼而小。今松江復有極小如指大者。名沙狗。以釀漬之。殼軟可食。凡夫曰蟹。訛為鬻。鬻訛為狗。又有倚望。塌。蘆。虎。數丸。一曰沙丸。江賊注。蚌音流江似蟹而小。有十二腳。林逋詩。水泥行郭索。雲木叫鉤。輶用太玄。郭索蟹行。

兒。字彙以郭索為蟹。

海扇。車渠。○錙積霏雪錄曰。海扇。帛物。形如扇。文如屋瓦。一名車渠。則車渠正似蚌之大者。大長數丈。蚌名瓦龍子。又名魁陸。正謂其如屋瓦也。程大昌言尚書大傳。散宜生輩。取大貝如車渠。謂如車輪之溝渠。轍迹也。存中譏康成注大傳。渠。車罔也。康成蓋不識車渠。智以車渠似車輪。故以名之。存中又誤譏矣。玉篇作碑磔。

移角。姑勞。羊蹄。皆車螯屬也。○臨海水土記云。似車螯而角不正者曰移角。殼薄者曰姑勞。小者曰羊蹄。車螯本蜃蛤之屬。周禮蜃珧以為飾。蜃炭取其灰。鍾岢為何胤作說。車螯蛤蠣。宜克



庖厨是也。陳藏器羅願戴侗則皆誤以蛤蜊之蜃為蛟蜃之蜃矣。

璅結。卽海鏡也。○南越志璅結大者二三寸。腹有蟹如榆莢。出取食。還入腹。嶺表錄異曰石鏡。述異記曰石筋。贊寧志曰薊蚌。卽此物也。又有寄生螺蛤皆蟹奴。郭璞賦瑣結腹蟹。水母目鰕。陶隱居言寄居似蝸牛。腹有小蟹出入。此名蚌奴。漢志會稽有鮎埼亭。師古注有蚌腹小蟹。又漢律會稽郡獻鮎醬。其此物乎。廣川跋李後主蚌帖。下屬州責蚌醬。知有宗廟為重。恐滋味醬。舊引漢鮎醬。鮎卽蚌。蓋其類也。

大貝。牝貝。玄貝。小貝。不成貝。此漢之五貝也。徑尺貝。紫貝。珠貝。

綬貝。霞貝。貝之珍也。○詩錫我百朋。注五貝曰朋。謂漢食貨志有此五種貝也。朋則貝二為朋。貝古作白。曰貝齒。滇以為肥。其爾雅之肥乎。爾雅列之頗詳。今有以相貝經合爾雅所列。未知當否。其書云朱仲受于琴高。以遺嚴助。曰徑尺如輪。以明目。赤電黑雲曰紫貝。可愈疾。素質紅章曰朱貝。以明目。青池綠文曰綬貝。以消氣障。黑文黃畫曰霞貝。能制蛆蟲。其他無奇功。浮貝使人寡慾。黑白各半。惠貝使人喜忘。齧貝使童愚。女淫。青唇赤鼻。碧貝使人盜。委貝能伏鬼魅。兩則輕。霽則重。石沒明。九孔螺也。舊說肉為鰕。非矣。○以紫貝代之者非。楊倞注荀子以為鼈腳。亦非也。本艸以鰕。鰕附石而生。其石有孔。



卽石沒明業師白安石司理登州言鰕魚自一物不附石也所言九孔螺者卽蚌也大者如掌其蚌殼有孔與鰕絕非一物不知千古何以訛傳豈古是一物而今二邪

紫蚘紫藟卽今之仙人掌也○荀子曰東海有紫結魚鹽楊倞曰紫紫貝也結未詳按結當是蚘江淹石蛙賊又名紫藟得春雨則生華郭璞所云石蚘應節而楊葩是也無功引謝眺詩紫藟擘春流升菴贊云蘭陵紫蚘江淹紫藟是惟蚌類發花應春又名龜腳陶隱居曰大者如手蚘敷業切附厓生似龜爪大如嬰兒手說文渠蠹曰天社凡夫曰海中有甲蟲二種曰一字龜腳不字龜腳智見閩中有仙人掌頗長寸許謂之似龜腳亦可根

附石處有囊如腕上生五指始爲前人沒此一物今綱目載爲紫藟誤矣無功紫藟一條又引九孔螺九孔螺是石沒明出登萊非此物也

郎君子相思螺其相感一也陽遂足海葵葵魚亦其類也○李珣曰郎君子雌雄似杏仁青碧放醋中雌雄相逐顧玠海樞錄相思子如螺大如豆置醋中盤旋不已臨海水土記有陽遂足青黑腹白有五足不知頭尾異物志有葵魚陰雨則飛起圖經海葵出東海狀扁而圓背青黑腹白口旁有五路今永州南寧俱出石葵置水中卽相就天雨常飛正其類也楊雄賦用石鱧升菴以爲卽石葵石奩之類水經注言羅山石葵雲母石有魚

形。燒作魚腥。

水虎。即水唐也。鼻厭。陰也。○水經注曰。沔水逕黎正故城。又南與疎水合。疎水出中廬縣西南。東流至即縣北界。東入沔水。謂疎口也。水中有物。如三四歲小兒。鱗甲如鯪魚。射之不可入。七八月中。好在磧中。自曝膝頭。似虎掌。爪常沒水中。出漆頭小兒不知。欲取弄戲。便殺人。有生得者。摘其鼻厭。可以小使。名爲水唐者也。後漢郡國志。注引盛氏荊州記云。生得者。摘其鼻厭。可少小便。名爲水廬。十道志引襄沔記云。或有生得者。摘其鼻。可小使之。名曰水虎。孫汝澄云。鼻厭者。水虎之勢也。可爲媚藥。善使內也。鼻厭與鼻相訛。物類相感志。訛爲木唐。而疎水作涑

水。

蟻射影也。又有魅蟻。○如鼈。三足而小。廣雅曰。蟻短狐也。一名溪毒。一名射工。俗呼水弩。鳧鴨能食之。大招并稱。觸短狐蟻。傷躬。則短狐與蟻。似非一物。詩詁引柳宗元說。水中以氣射人者。曰射工。居水旁山林。含沙射人者。曰沙虱。說文所謂如三足鼈。能也。非蟻也。一曰螭蟻。凡夫以爲蟻。又東方朔傳。人主之大蟻。師古音或魅也。公紹以詩爲蟻。即是魅蟻。音或。陸氏釋文因沈音而誤。

蠹魚。蛎魚。衣魚。壁魚。即爾雅之蟬白魚也。化爲脈望。○注疏。蟬音淫。衣書中白魚。一名蛎魚。本艸曰衣魚。亦曰壁魚。馬懷素傳

通雅
卷之四十一
三
泉朽蟬斷是也。襟俎記建中何諷得黃紙書中髮卷規四寸如環道者曰仙經云。蠹魚三食神仙字。則化此名曰脈望。夜以規映天中星。星使大降。原化記亦載之。或曰名脈。然見人用脈望者多。元瑞務博考者。亦曰建中道者知脈望。且望夜則無星可映也。大抵小說不可盡信。天下物理變化有之。其名則好事者所大也。按酉陽雜俎補闕。張周封言。嘗見壁上白瓜子化爲白魚。固知列子言朽瓜爲魚之義。

六日龜者。四日皆斑紋也。○游宦紀聞曰。東坡謁呂微仲。見綠毛龜。此易得耳。唐莊宗時有進六日龜。敬新磨獻口號。一覺抵別人三覺。嶺海雜志。六日龜出欽州。只兩目。餘四目。乃金黃花


紋。圓長中黑。與真目排比。

動物 魚

鯉。鱣。鱧。鮠。鮓。爾雅之首列也。許慎毛萇分而釋之。誤矣。○爾雅六名並舉。而讀者以鱣釋鯉。鮓釋鱧。鮠釋鱧。毛氏說文并蹈此誤。說文又並下文以鮓爲鮓。尤誤矣。鯉最常食。大小皆有黑點。三十六鱗。鱣自是今之鯉魚。判然兩物。豈能牽合爲一。鱣或借爲鱣。用楊震三鱣是也。說文不知直曰鯉也。一名蠓。洛侯切。一名鱣。古甜切。又引詩鱣鮓發發。則并不知鮓何物也。叔重召陵人。宜不明長江中事耳。陸佃曰。黃魚謂之玉版。此亦指鱣之脆骨。而佃不能分也。鱣腮曰玉梭衣。巖氏曰。本草以鱣爲鱣魚。

俗作鱣。是合鱣鱣為一。此如今九江敝府作鮓者。合二魚為一處也。集韻或作鱣。周官春獻王鮪。鮪即鱣。一作鱣。大者為王鮪。小者為叔鮪。一名鮪肉。東萊遼東謂之尉魚。或疑詩之鱣鮪在衛。未必有千斤之鱣。蝗智謂黃河中。或不甚大耳。郭璞當晉時知有江之鱣鮪。今則知有蚌蝗而已。此古今異稱也。韻會亦為說文所惑。鯉注曰鱣。真為可咲。鱣連第切。一作蠶。鱣又作鮪。音豕。誤音。紂詳見襍論。一作鱣。魚之擊者。鱣黑駿首。左右各有竅如七星。雌雄相隨。將子啖眾魚。能夜向北拱斗。今黑鯉魚也。圖經陶隱居云。是公蠣蛇所變。至難死。猶有蛇性。魚膽皆苦。惟鱣膽獨甘。說文鱣鮪也。鱣鱣也。又分鱣鱣為二物。毛萇注

爽麗亦曰鱣。鮫也。陸璣謂鮫即鮑魚。陶隱居云。此鮑魚乃是鱣。尤可噴飯矣。鮫切。即鱣魚也。鮫切。江北呼為混魚。通呼鮫為草魚。以其食艸。池州人至今謂之鮫。若鮑音。今淡滬魚也。微用鹽曰鱣。居億切。沔州復州作之。貨殖傳。鮪涉涉切。鮪千鈞。膊魚不用鹽也。即魏或食制之。蕭折魚也。奈何以釋鮫乎。鱣依遠切。額白魚。潛谷曰。其遊好偃。陸佃曰。鱣偃。鱣俯。鱣圓。鮪方。今毛鄭皆以為鮪。許以為鮫。而注鮫為鮪矣。鱣實鮪之大者。許又注鮪。鱣為鮪。注鮪為鱣。則鮪鮫鱣鯉一物也。有是理乎。鮪季兼口切。方無鱗。江東謂之鱣。又名鮪。今南都江北。并稱鮪鮪。而鮪鱣鮪。皆漢晉以前之語。亦一字也。鮪即鮪戶灰切。而合溪分二字。鮪之



大者曰鰈魚。登萊謂之闊口魚。此皆無鱗之魚。而微有別。口腹俱大者名鰈。背青口方者名鮎。背黃腹白者名鮓。家語曰大鰈。魚即鰈也。說文鰈鮎俱音化。

有吹沙之小鰈。有海中之大鰈。○詩云鰈麗于鰈。鰈鰈。陸氏曰。狹而小。常張口吹沙。智考此實是吹沙小魚。黃皮有黑斑文。正月先至。但身前半闊而扁。附沙而遊。後方而狹。陸氏以為狹小。則又失矣。余鄉至今呼為鰈鮎。則合溪之辨。並及于鰈鮎。又未考矣。海中所產。以其皮如沙。哆口無鱗。胎生。其類尤大。鮎本即它。許氏以為地。戴氏以為鼉。特以河中之小鮎。專此鮎字耳。詩曰鰈鰈。鰈一名黃楊。今黃頰魚是也。山海經番條山。減水鰈魚。

郭注一名黃頰。音感。智按此是鰈。

鰈。鰈。一物而微分。○鰈文與切似鮎而弱鱗。俚語網魚得鰈不

如噉茹。其類尤大而肥者。徐州謂之鰈。或謂之鰈。幽州曰鰈。或謂胡鰈。智按今俗以肥而食草魚。矢者為鰈。頭稍小。身稍扁。韻會并不收鰈字。其頭最大者鰈也。俗呼為鰈頭。啖魚頭者。輒烹之。鰈其總名也。說文鮎下別作鮎。音似近之。母亦古以鮎為鮎。而以鰈為鰈。平。陶隱居以鰈為鮎。則尤非矣。鮎。今之鰈也。語曰居就糧。梁水鮎。九戩稱鮎。客座贅語謂鰈大曰鰈。多腹有鱗。俗所名火箭。背也。鱗鱗細眼赤魚也。鰈亦赤目。士喪禮鰈鮎。九或曰紺目荷包鰈也。鰈轉專二音郭注山海之鰈。音團。鰈是亦鰈。

類鄭玄以為鯢子者非鮒符注切別作鯢鯢鯢以附土而行曰鮒也似鮒而黑俗曰魚婢江東曰妾魚即所謂鯢鯢鯢歸也鯢又作鮒說文分二字皆魚名相如賊曰鮒鮒鯢鮒郭璞曰鮒似鯢而黑則鯢類也海魚肉如彘曰鮒今沿海人多捕之其陶所謂鮑手鮒元鍾切徐廣音娛說文曰魚皮有文出樂浪東曉神雀四季捕輸考工鮒音虔博雅大鱗謂鮒鮒他各切說文曰哆口魚也

鯢即鯢○雄鯢雌鯢以莊子鯢鮪為之制則小魚也以左傳取其鯢鯢則大魚也呂覽曰鮒入而鯢居高誘曰鮒小而鯢大爾雅曰鯢大者謂之蝦此蝦似非指鮒也鯢亦為二名兩用無疑


鯢古作鯢

鮒即鮒○相如賊曰禺禺鮒音楊史記作鮒說文曰鮒似鼈无甲有尾無足口在腹下與鮑相類鮑水母目蝦之物今名折頭鮒則福州之銅盆魚也唐韻鮒似鮒四足則單據郭說也鮒鮒皆鱸也○鱸巨口細鱗似鮒但四腮耳海鱸肉粗曰鮒說文魚出歲邪頭國亦作鮒梧州出嘉魚亦似鱸忽雷鮒也○洽聞志鮒魚別號忽雷熊能制之握其嘴至岸食之一名骨雷秋化為虎三爪鹿甚畏鮒說文鮒似蜥蜴長丈箋曰鮒也自退之驅鱸後至宋咸平中通判陳堯佐捕鱸獲之其害始絕

牛魚。卽北方之鮪類也。○契丹主遼魯河。鈎牛魚。以其得否爲歲占。玉易燕北錄曰。牛魚嘴長鱗硬。頭有脆骨。重百斤。卽南方鱒魚。程大昌非之。豈必牛魚真似牛乎。物易地而少變。則理有或然。

鮫。海沙魚之大者也。○鮫加肴切其皮粗錯堅厚。可飾刀室。後漢輿服志載之本。昔云鰐音鰐魚皮也。唐本注云出南海。似鼈。無腳而有尾。陳藏器本草云。一名沙魚。一名鰐魚。鰐乃音電。出山東。大不過數指。與鮫同。啻天壤。得無因電音而誤以鮫字爲駁字乎。鮫腹容四子。子音從口入母腹而復出。柯古曰。海魚千歲爲劍魚。一名琵琶魚。一名虎魚。卽大鱉也。

江豚曰鮪。○鮪又作鮪。鮪海模切類篇皆曰。江豚也能拜風。廣韻曰。鮪。鮪。晉書夏統用鮪。鮪。廣韻收之。爾雅鼈是鮪。釋曰。鰐屬也。體似鱗。尾如鯽。大腹小喙。銳而長。齒羅生。上下相銜。鼻在額上。能作聲。少肉多膏。智以爲卽今之鼈魚。南史載宋明帝嗜密漬鮪。鮪。一啖數升。一曰鹽藏魚腸也。本草曰。鮪。鮪。魚鱗也。卽魚白膠。此說是也。齊民要術有造鮪法。取石首鮪。鮪。鮪。三種。腸。元美引此語。作鮪。鮪。誤。沈存中專以鮪爲墨魚。腸者非。當鮪。鮪也。○鮪洪孤切見說文。爾雅注似編而大。鱗肥美多鮪。江東呼其大者曰當鮪。六書故曰。鮪似編而大。生江海中。四五月大上。肥美而多骨。江南珍之。以其出有肯。又謂肯魚。別作鮪。



韓道昭作鱗。智嘗怪此珍品。而古無之。獨唐韵有鮓字。曰當鮓。鮓名。郭云似鰻肥美。多鱗。皆近。但大鱗不合耳。合溪蓋以大屬上文。鱗下或遺細字。其海魚似鰻。織鱗少骨。曰昌。亦作鱗。海魚似鰻而小肥。曰鰻。子例切孫恂云。時魚出江東。何大復稱其銀鱗細骨。彭淵材恨其美而多刺。哀達禽蟲述曰。鱗冒網而不動。護其鱗也。鱗暴乾。可作花鈿。黃勉之曰。廣州謂之三鰻之魚。

人魚曰鰕。管隻切似鮎而四足長尾。聲如小兒。善登木。本草則以為鮓魚。即人魚。似鮎四足。陶云鰕鱗能上樹。蘇云鮓魚能上樹。非鰕鱗也。本草諸公亦揣摩奇物而誤耳。如鮓魚。人面人手。魚身。亦曰人魚。薄魚如鱸。一目。音如人嘔。見則天下水。何羅

魚二首十身。鮓魚。魚身人首。何羅乃今之八帶魚也。真臘有浮湖魚。八足嘴如鸚鵡。水經注。水唐如三四歲小兒。如鯉鮓。豈得盡注以人魚乎。

鰕。石首魚也。小者曰鮓。子功切一名免魚。小者名黃花魚。乾曰鮓。又有勒魚。海上聽水聲取之。乾曰勒鮓。頭有骨如鶴喙形。蓋鰕之一種也。南京總曰黃魚。以冰從海上持來。通呼鮓魚。說文作鮓。食療本草。以鰕為鮓。故時珍分出一條曰鮓。生江湖中。口在頷下。能噉魚。大者三十斤。此大鰕之類也。爾雅翼云。鮓與石首魚。皆以三八月出。江賊曰鰕。鮓順時而往還。此鰕即石首魚也。今浙人但呼鮓。音稿魚為鮓。而江淮以石首為鮓。故曰白鮓。

鮓謨杯切福温多有之。卽黃花魚。温海志名黃靈魚。卽小石首魚也。

鮓魚。嘉魚也。○漢口沔縣有二丙穴。又嘉州雅州梁山。大邑順

政諸縣皆有丙穴。嘉魚。李善注左思賦。魚以丙日出穴。蜀人呼

爲拙魚。河陽呼爲鮓音。山海經諸鈎山寐魚。郭璞曰卽鮓魚。

梧州江亦出嘉魚。范成大言桂林出竹魚。形味似之。則竹魚卽

嘉魚也。

墨魚。烏鰂也。○鰂足生口傍。兩須如纜。諺曰烏鰂喫墨。入足在

口。又名墨魚。寧波曠者曰鱗脯。圖經云烏鵲所化。其云秦王東

遊。棄算袋。化爲此形。則誣矣。禹時貢烏鰂之醬。蒙筮言其墨作

券。隔季而字滅。張氏曰不驗。其無骨者名柔魚。又要有章舉石

距二物。與此相類。而差大味。要珍好。小者曰鎖管。見泉州志。今

曰銀瓶魚。臨海志言其懷版含墨。故號小史魚。

鰓。鰓。鰓。皆今之河豚也。○鰓呼鈎切。鰓盈之切。鰓音。鰓音。鰓音。鰓音。

背青黑。腹白。觸物卽怒。亦曰烏狼。一曰揆魚。黃者黃鰓。大觀本

草可啖。旣列河豚爲一條。又列鰓。鰓爲一條。性皆相似。此不過

見鰓。鰓字奇。遂以爲別。是兩種魚耳。鮓。鮓是河豚。此潛谷說。物

類志湖夷魚。卽河豚。廣志鮓魚。一名河豚。鮓又爲魚菜之總名。

如度郎食鮓是也。烏瓜切。張華載鮓魚。心肝頭毒。司馬潛虛用

鮓。鮓之浮。必是河豚。誤以鮓爲鮓耳。說郛載尤延之言。河鮓起

于左思賦郭注山海赤鮭音圭潘岳滄海賦鰈鯨鱗臨海記鮭
鮭智按卽此魚之大者

鮭鱗也○禮用鮭十有五謂其小也神異經祖州烜湖內鮭長
八尺食之宜暑而辟風寒成式亦載之又尋陽青林湖鮭大者
二尺可止寒熱今灤河鮭以冰合之來京師動亦數斤鮭卽所
謂荷包鮭也一日鮭鮭鮭或曰鮭爲櫛化其說附會鼯鼠化鮭
則有其理爾雅曰鮭歸郭璞所謂妾魚婢魚崔豹所謂青衣魚
皆此物也魚經又有附土者曰京魚一日吐鮭智按卽杜父魚
一名黃魴音么俗名松石魚

鱗刀曰鱗在禮切爾雅製鞞刀卽今之鱗刀魚江陰有小魚

名子鱗山海經浮玉山北望巨區茗水出其陰中多黃巨當作
具東坡詩知有江南風物否桃花流水鱗魚肥

石桂魚卽鱗也○作鱗者非昔有仙劉憑食石桂魚卽此鱗似

鱗而四腮山海經洛水多騰如鱗可治瘻注騰音滕日華子以

鱗爲水豚可知此一類也筆乘謂鱗有肚能嚼名鮑魚遯園亦

以鱗魚爲鮑引張志和桃花流水鱗魚肥此誤矣蓋因鄉語謂

鱗爲計故以鱗本音桂與鮑近也

王餘銀魚○或曰鱗殘魚博物志闔廬所棄或作越王事又云

梁或以食寶誌公誌公復吐出化爲此海中出者曰龍頭魚福

州一種曰水晶魚下湯卽起明如水晶惟有細脊一條而已北

京寶坻銀魚則不通明。不過如指大。臨海志曰鱧魚。一名姜公魚。形如鱧殘。但有一細骨如針。此卽龍頭魚也。

鱧魚。麥魚也。○一名春魚。春時有之。北元錄恩州出鵝毛脰。細如毛。郭義恭言或陽小魚大如鍼。今處處有之。江北名爲麥魚。時珍引爾雅鱧。非矣。

曰鮓。曰鮓。曰鮓。曰版魚。曰左介。曰鮓。曰婢徒。曰奴屨。曰箬葉。曰鯀底。皆爾雅之鮓。所謂比目魚也。○爾雅比目魚名鮓。吳都賦曰鮓。上林賦曰鮓。劉涓子以此爲王餘。誤矣。鮓卽鮓。鮓卽鮓也。南越志曰比目。亦曰版魚。曰左介。故作鮓。北元曰鮓。異物志曰箬葉魚。俗呼鞋底魚。鮓一名鮓。道昭收鮓。皆字訛也。臨海志

曰婢徒。風土記曰奴屨魚。皆曰鞋底生意。今杭州錢塘江。日夕餐此。

章舉石距。今之章花魚。望潮魚也。○章舉石距。臨海志曰傷魚。今閩中名章花魚。浙中曰望潮魚。

蕃蹋魚。今銅盆魚也。○蕃蹋魚。一名劓陽魚。韻書作鮓魚。或曰鋪鮓。曰鮓。形如大荷葉。長尾口在腹下。無足無鱗。福州呼爲銅盆魚。魏或食制云蕃蹋魚。大者尾如箕。長數尺是矣。修文類書作蕃踰魚。誤。嶺表錄異作海鵠魚。山海經鰲鮓之魚。如覆鮓。得毋此類乎。

儵鮓。陽矯也。○荀子曰。浮陽之魚。楊倞曰魚名。今字書無鮓字。


通雅 卷之四十一
惟字彙載之。音喬。轉注畧曰。鮓从本。音叨。故鮓音喬。今作鮓。則音鉢。故或以爲白魚之轉聲。開寶本草。以鮓魚爲白魚。言其頭尾向上也。說苑陽橋之魚。豈其此乎。元美以爲卽荀子儵鉢者。爲浮陽之魚。陽字相近耳。

鯨條鯨鯢皆小魚也。○毛公曰。白鯨也。卽秦檜妻所謂子魚也。莊子曰。儵魚出遊。李氏音由。白魚也。徐氏音條。類篇合鯨條爲一。亦自有見。鯨音亦浮陽小魚也。故士自稱曰鯨生。鯢或作鯨。爾雅鮒黑鯢。景純曰。卽白鯨也。江東呼爲鮒魚。按黑鯢亦儵類。而色不白矣。今海味專重鯢魚子。又有子魚。絕相類。其白者北方以寶坻爲美。淮揚之間。通州有成片者。福州之水晶魚最妙。

在甬東。則呼爲龍頭。臨海記鯨魚如指長七八寸。亦此類。永嘉鯨魚則長寸。其曰鯨似繩。卽一字。謂似繩也。

鯨鯢。鯨鯢。皆一類也。○鯨別作鯨。鯢別作鯢。鯢。南史王使人吞鯢。今時珍音鯢爲呂非矣。鯢別作鯢。說文鯢。似入。鯢也。鯢。鯢也。山海經曰。涿光之山多鯢。鯢如鵲而十翼。啣火。語曰。鯢則似

蛇。鯢聞有翼。或曰鯢。鯢卽漫鯢。說文鯢與鯢同。此魚有雄無雌。以影漫于鯢魚而生子。故名。桂林有石鯢。出于洞穴。性涼。廣州海鯢最大。曰狗魚。其涎卽能殺蟲。不獨其骨矣。孟詵云。欽州溪中一種五色。入藥最勝。今日白鯢。以別於黃鯢也。古與鯢通。楊震三鯢是也。山海經展水師水。皆多鯢魚。郭注。今蝦鯢。或作鯢。



音秋時珍則以鱣為魴頭

魚子曰鯤鮪。○魯語曰：魚禁鯤鮪。爾雅曰：鯤，魚子。逍遙遊之言。原無稽。韋昭曰：鮪，魚未成也。呂覽曰：有東海之鮪。又有鱣。音說文曰：魚子已生者也。譌籀文今訛。隲矣。鄭玄又曰：鰈，魚子也。孔叢子曰：衛人釣得鰈，其大盈車，蓋是大魚。鄭為誤。

西陽襍俎有印魚。東坡所稱通印子魚，則泉州通應侯廟前之子魚也。○陳善曰：泉州有通應侯廟，其下臨海，出子魚甚美。世呼通應子魚者，記所出也。荆公詩：遂誤用為長魚。俎上通三印。東坡又以通印子魚對披線黃雀，此皆是傳聞之誤。孟子譏緣木求魚者，以其無有也。而范蜀公言：按蜀中實有一種魚在樹

上，聲如女兒啼，名曰鮒。此則孟子未聞者也。荀子曰：蟹六跪而二螯，然蟹實八跪。方知蔡謨未識蟊螟，未足多笑。元美曰：今實有印魚，東坡亦未為誤。智按：印魚者，西陽襍俎所載曰：印長一尺三寸，額上四方如印。諸大魚應死者，先以印封之。其言如此，則安得以通印子魚當之。東坡誤矣。荆公用金印，印名豈在俎上，或烹魚芼粉作印邪？詩人借用耳。

澇戶謂魚秧也。○陸文裕曰：今人家池塘所蓄魚，其種皆出九江，謂之魚苗。或曰魚秧。南至閩廣，北越淮泗，東至于海，無別種也。蓋江湖交會之間，氣候所鍾，每歲於三月初旬，挹取于水，養之舟中，漸次長成，亦有羸縮，其利頗廣。九江設廠以課之。洪武

十四奉欽差總旗王道兒等至府編僉澳人謂之滂戶黃省曾
與經曰縵戶以稍長象苗曰葦鱧有難長之秧曰艫艘其首黃
色曰螺螄青唐韻有滂俗作縵

潛鹿象頭似鹿者也○元美曰潛鹿鹿頭象此據左思吳都賦
沈虎潛鹿注象身而頭似鹿異物志載有獐鹿自是鄭氏所云
益州之鹿麇勿誤用也黃省曾曰鱣鯉兩類之肉謂之鹿頭意
此所謂鹿頭象而異物志奇其說邪成式言羊頭象其頭似羊
又物類相感志載鹿象南海春夏有象躍上洲化為鹿其說尤

怪

通雅卷之四十七終

